

GEMEENTEBULLETIN

8 NOVEMBER 2020



EREDIENSTE

IN DIE KERK

Oggend-en-gesinsdiens om 09:00 (ook aanlyn)

Lukas 5:1-11 | 'n Volgeling van Jesus – Petrus se storie | Ds. Marius Breytenbach

Relevantdiens om 18:00 (ook aanlyn)

For the love of restoration | Ds. Hanno Ackerman

IN DIE KAPEL

Meditatiewe diens om 09:00

Lukas 5:1-11 | 'n Volgeling van Jesus – Petrus se storie | Ds. Philipp Dietmann

KYK AANLYN NA DIE EREDIENS

Kyk aanlyn na die oggend-en-gesinsdiens wat om 09:00 direk uitgesaai word op www.stellenberg.co.za, of ons YouTube-kanaal. Die opname van die diens is vanaf 10:00 aanlyn beskikbaar en kan dan enige dag, of tyd gekyk word. Die Relevantdiens word om 18:00 direk uitgesaai.

KERSSANGDIENS IN DIE BUITELUG 29 NOV.

Lidmate word uitgenooi om op Sondag 29 November om 09:00 by ons Buitelugkerssangdiens aan te sluit. Daar sal baie stoele uitgepak word, maar indien julle het, bring asb. stoele saam, asook 'n piekniekmandjie met versnaperinge sodat ons na die diens saam kan eet en kuier. 'n Groot Kersboom van Op-die-berg-gemeente se Kersboomprojek, saam met pragtige Kerssang, sal vir 'n heerlike feestelike atmosfeer sorg.

KATEGESE VANDAG

Annibrand Junior: Die graad 5-en-6-groepe kom op Sondag 8 November vanaf 09:50 tot 10:30 in die kerk byeen. Ouers kan iets te drinke geniet terwyl hulle vir die kinders wag.

Annibrand Senior: Almal word uitgenooi om na die Relevantdiens in die kerk agter te bly en by kleingroepe in te skakel.

DAAGLIKSE STEMBOODSKAPPE

Indien jy graag na die daaglikse boodskap ('n stemopname deur leraars) op jou selfoon wil luister, stuur asb. 'n WhatsApp met jou naam + stemboodskap na 083 611 4720. Jy sal dan op die verspreidingslys geplaas word en die stemboodskap daaglik op jou selfoon ontvang. Geen gemorspos nie.

GEBEDSAKSIE EN -VERSOEKE

Die asemskep-gebedsbyeenkoms word elke Dinsdag om 18:30 in die kapel aangebied. Gebedsversoeke kan ook aan ds. René Potgieter by 079 893 8104 gestuur word.

NOODKOSPAKKIES VIR DIE KERSGETY

Met 'n kombinasie van net drie niebederfbare produkte kan 'n maaltyd vir 'n gesin van ses opgetower word. Ons beoog om noodkospakkies met produkte soos hieronder uiteengesit te versamel, sodat ons gesinne tydens die Kersgety daarmee kan ondersteun. Die noodpakkies sal veral uitgedeel word by die sopkombuise wat deur ons gemeente in Khayelitsha, Delft en Ravensmead ondersteun word. Waaruit bestaan 'n noodkospakkie? Verpak die volgende per pakkie:

- Opsie 1: 'n pakkie sojamaalvleis + 500 g pasta + 1 pakkie tamatiepasta.
- Opsie 2: 'n pakkie sojamaalvleis + 1 blikkie kerriegroente + 500 g rys.
- Opsie 3: 'n pakkie sojamaalvleis + 1 blikkie ertjies + 500 g rys.

Gee asseblief die verpakte produkte by die kerkkantoor af, of plaas dit Sondae in die voorportaal van die kerk.

FLESSE VOL LEKKERTE VIR DIE KERSGETY

Ons wil gedurende die Kersgety graag 'n tikkie vreugde in minder-bevoorregte gemeenskappe versprei. Vir dié doel samel ons glasflesse (leë mayonnaise-, koffie- en blatjangflesse, ens.) wat met lekkers of koekies gevul is, in. Bring die gevulde flesse saam na die Buitelugkerssangdiens op Sondag 29 November om 09:00 en plaas dit onder die groot Kersboom, of gee jou bydrae by die kerkkantoor af. Ons vertrou dat dié gebaar glimlagte op heelwat gesiggies sal plaas.

Indien jy nie tyd het om self koekies te bak nie, bestel gerus koekies by *21 Cookies of Hope*, Mariaan Hattingh 079 880 0407.

KERSBOOMPROJEK | NG KERK OP-DIE-BERG

Lidmate van Op-die-berg-gemeente beoog om alle indringerdenne-bome in hulle omgewing te verwyder en wil graag die bome as Kersbome verkoop. Die opbrengs van die verkope sal dan aan 'n groentetuinprojek, asook 'n kleuterskool in die plaaslike gemeenskap geskenk word. Bome sal by ons kerkperseel afgelaai word. Plaas jou bestelling deur die elektroniese bestelvorm op www.stellenberg.co.za te voltooi.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.


VOEDSELHULP

Indien jy tot die uitgebreide voedselbediening wil bydra, kan jy 'n elektroniese oorbetalingsrekening na ABSA-tjekrekening 145 058 0011, takkode 632005, maak. Gebruik *hande en rande* as verwysing.

'N KERS VIR DIE TIENDEMAAND

- Ons nooi gesinne om een wit kers per gesin te neem as 'n herinnering aan hulle tiendemaandbydrae ter ondersteuning van die gemeente se werksaamhede. Neem 'n kers wanneer jy eredienste bywoon, of haal dit by die kerkkantoor af, of skakel die kantoor by 021 976 4519 om aflewering te reël.
- Steek die kers aan saam met 'n spesiale ete, terwyl jy Bybel lees en bid, of om 'n geliefde, wat nie meer met jou is nie, se lewe te herdenk.
- Die tiendemaandinsameling is in ooreenstemming met die Bybelse tradisie van 'n tiende van die gelowige se inkomste vir die Here se werk.
- Dankie vir elkeen se bydrae in die uitdagende finansiële tyd sodat ons prakties uitvoering aan die Here se werk in ons omgewing kan gee.
- Tiendemaandbydraes kan elektronies oorbetal word na: ABSA, tjekrekening 145 058 0011, takkode 632005, met verwysing: tiendemaand. Kontantbydraes kan in 'n gemerkte koevert in die kollektiebord gesit, by die kerkkantoor afgegee, of in die beveiligde posbus by die voordeur van die kerkkantoor geplaas word.

Elkeen moet gee soos hy hom in sy hart voorgeneem het, nie met teensin of uit dwang nie, want God het die blymoedige gewer lief. 2 Kor. 9:7



NUUS PER E-POS OF OP JOU SELFOON

- Ontvang die bulletin weekliks, asook die skakels na eredienste per e-pos, deur jou e-posadres aan sanel@stellenberg.co.za te stuur.
- Sluit by die WhatsApp-groep aan om die bulletin en die skakel na die oggenddiens op jou selfoon te ontvang, deur jou naam, van en selfoonnommer na 083 611 4720 te stuur.

AANLYN

ADVERTENSIEBLAD

In die Samaritaan-advertensieblad op www.stellenberg.co.za word produkte, verskeie dienste, woonplekke en werkseleenthede, geadverteer. Advertensies sonder 'n foto kan teen R50 per maand geplaas word en die met 'n foto teen R100 per maand.

Stuur 'n e-pos aan sanel@stellenberg.co.za.

FINANSIËLE BYDRAES

Maak gerus van enige van die volgende betalingsopsies vir die oorbetalings van dankoffers gebruik:

EFT-betaling

Dit kan oorbetalings word na ABSA-tjekrekening 145 058 0011, takkode 632005.

Kontantbydraes

Kontantbydraes kan by die kerkkantoor afgegee word, of in die beveiligde posbus by kantoor se voordeur geplaas word.

SnapScan



EREDIENSWERKERS

Daar is 'n tekort aan eredienswerkers en ons doen 'n beroep op lidmate om op dié wyse by die gemeente se werksaamhede betrokke te raak. Eredienswerkers doen ongeveer een keer per maand diens by 'n erediens en jy kan betrokke raak by die erediens van jou keuse. Kontak Odette Basson by 021 976 4519/odette@stellenberg.co.za indien jy hulp wil aanbied.

EDELWEISS-BYBELSTUDIE

Donderdag 12 November 14:30 in die eetsaal | Spreuke 20 ... Baie waarhede en die waarheid.

RUYTERWACHT-KERSPAKKIES

Ruyterwacht-dienssentrum benodig, met die oog op die Kersgety, die volgende niebederfbare kosprodukte om vir hulle lede kospakkies saam te stel. Gee gerus bydraes by die kerkkantoor af.

Kookolie, konfyt, grondboontjebotter.

Blikkieskos: *pilchards*, spaghetti-en-tamatie, *baked beans*, suikermielies, tamatie-en-uie, gemengde groente, ertjies, vrugte en *bully beef*.

Ricoffy, rooibostee, Ceylon-tee, suiker, mieliemeel, hawermout, rys, pasta, *Two minute noodles*, jellie, droë sopmengsel, soppoeier, stampmielies, lmana-sojavleis, tafelsout, toiletpapier, kaaswiggies en koekies.

VOORBEELDE VAN DIE NOODKOSPAKKIES, SIEN BL. 2



VOORBEELDE VAN DIE FLESSE VOL LEKKERTE, SIEN BL.2

